

Ffordd Glasdir,
Rhuthun,
Sir Ddinbych,
LL15 1QQ

Ysgol Pen Barras



Ffôn: 01824 704 129
E-bost: pen.barras@sirddinbych.gov.uk
Pennaeth: Mr Dyfan Mael Phillips

03/09/26

Annwyl Rieni,

Croeso cynnes yn ôl i bawb Ysgol Pen Barras ar gyfer flwyddyn academiaidd 2026-27. Braf fydd cael croesawu'r plant yn ôl ynghyd a chroesawu 34 o blant bach meithrin newydd i'n plith.

Staffio: Estynnwn groeso cynnes i'r staff newydd canlynol atom
Miss Lydia Ellis- Cymhorthydd Meithrin/Clwb Ffrindiau Bach
Miss Mabli Fitzgerald- Cymhorthydd Blwyddyn 1 a 2
Miss Llio Thomas- Cymhorthydd Blwyddyn 1 a 2

Estynnwn ddymuniadau gorau a gwellhad buan i Mr Owen Hughes sy'n parhau ar absenoldeb salwch. Yn ei le'r hanner tymor yma fydd Mr Ianto Williams a Mrs Ffion Mosford- croeso iddynt hefyd.

Mynediad Safle- Cofiwch, bydd giatiau'r ysgol yn agor yn y boreau am 8.45yb gyda'r gloch yn canu am 8.50yb i'r Cyfnod Sylfaen a 9.00yb i'r Adran Iau. A fyddwch ogystal â sicrhau fod eich plentyn/plant yn cyrraedd yn brydlon yn y boreau os gwelwch yn dda.

Cyfathrebu a rhieni- Fel y gwyddoch, mae gennym App 'Ysgol Pen Barras' sydd ar gael i'w lawr lwytho ar eich dyfeisiau electroneg. Yno, cewch gylchlythyrau ysgol a chysylltiadau amrywiol. Mae gennym hefyd dudalen Facebook- yno bydd manylion a phosteri digwyddiadau'r ysgol ynghyd a newyddion diweddaraf.

Gwefan Ysgol- Mae gennym wefan ysgol- www.ysgolpenbarras.cymru
<<http://www.ysgolpenbarras.cymru>>.

Clybiau allgyrsiol ar ôl ysgol- Byddwn yn rhannu yn fuan iawn restr o glybiau allgyrsiol ar gyfer y tymor- manylion i ddilyn.

Gwisg Ysgol- Mae'n bwysig fod plant yn dilyn canllawiau'r ysgol o ran gwisg ysgol a gwisg ymarfer corff. Gwelir manylion ar wefan / ap yr ysgol. Mae gennym hefyd gyfnewidfa dillad ysgol yn y dderbynfa. Mae croeso i rieni fynd yno am ddillad ysgol os nad oes gan eu plant- mae'n bwysig defnyddio'r eiddo sydd gennym.

Labelu dillad/ eiddo personol- Cofiwch labelu dillad ysgol eich plant yn glir. Mae'n syndod faint o eiddo coll sydd yma heb ei labelu ers diwedd tymor diwethaf.

Ffordd Glasdir,
Rhuthun,
Sir Ddinbych,
LL15 1QQ

Ysgol Pen Barras



Ffôn: 01824 704 129

E-bost: pen.barras@sirddinbych.gov.uk

Pennaeth: Mr Dyfan Mael Phillips

Prydlondeb- Cofiwch! Mae cloch yr ysgol yn canu yn y bore am 9.00yb a disgwylir fod disgyblion wedi cyrraedd y buarth erbyn hyn. Os oes plant yn cyrraedd yn hwyr, yna dylent fynd i'r swyddfa a chofnodi'r llyfr hwyr fel y gallem dracio presenoldeb disgyblion. Diolch o flaen llaw am eich cefnogaeth.

Absenoldebau- Cofiwch gysylltu â'r swyddfa yn brydlon drwy alwad ffôn neu e-bost os yw eich plentyn yn sâl. Byddwn hefyd ar ddechrau'r tymor yn rhannu gohebiaeth adran Addysg Sir Ddinbych ynglŷn â phrosesau 'Presenoldeb Disgyblion' - cofiwch wyllo allan amdano.

Amseroedd agor/cau- Cofiwch, mae plant y Cyfnod Sylfaen yn gorffen ysgol bob dydd am 3.05yp a disgyblion yr Adran Iau (Blynyddoedd 3,4,5,6) yn gorffen am 3.15yp.

Meddyginiaeth- Os oes angen meddyginiaeth yn yr ysgol ar eich plentyn, a fyddwch gystal â chwblhau'r daflen swyddogol meddyginiaeth sydd ar gael o'r dderbynfa.

Ffurflenni Mynediad- Cofiwch- mae rhaid gwneud cais am lefydd i'r dosbarth Meithrin, dosbarth Derbyn ac i flwyddyn 7 / Ysgol Uwchradd ar gyfer Medi 2027.

Ceisiadau ar gyfer dosbarth Meithrin 2027-28- Ar agor o Fedi 21ain 2026 ymlaen.

Ceisiadau ar gyfer dosbarth Derbyn 2027-28- Ar agor o Fedi 21ain 2026 ymlaen.

Ceisiadau ar gyfer Blwyddyn 7 Ysgol Uwchradd- Ar agor nawr. Dyddiad cau ceisiadau- Hydref 31ain, 2026.

Am ragor o fanylion, dilynwch y ddolen ganlynol;

[Derbyn i ysgol | Cyngor Sir Ddinbych](#)

Polisi Cwynion- Os ydych yn anhapus efo unrhyw fater yn gysylltiedig â'r ysgol cofiwch gysylltu gan ddilyn y prosesau cywir. Gallwch gysylltu yn y lle cyntaf, os yn berthnasol efo'r athro dosbarth, yna'r arweinydd Uned ac yna gyda'r pennaeth os nad yw'r sefyllfa wedi datrys. Yna, gallwch gyfeirio'r mater at sylw Cadeirydd y Corff Llywodraethol. Mae'r polisi ar gael hefyd ar wefan yr ysgol.

Y GYMRAEG- Mae'n hynod bwysig i ni yma yn Ysgol Pen Barras i hyrwyddo Cymreictod yr ysgol- boed yn ieithyddol ac yn ddiwylliannol. Mae ennyn balchder disgyblion yn ein hiaith yn un o gonglfeini gwerthoedd a gweledigaeth yr ysgol. Mae sicrhau defnydd y Gymraeg ein disgyblion yn gymdeithasol tu mewn a thu allan yr ysgol yn bwysig! Taer erfyniwn i bawb sydd medru, i ddefnyddio eu Cymraeg gyda'u plant. Dwy iaith ddyfodol ddisglair yn wir!

Gan obeithio bydd yr holl blant yn ymgartrefu'n ôl yn ddibryder ac yn hyderus i'r ysgol. Rydym yn falch iawn o groesawu pawb yn ôl.

Yn gywir,
Dyfan Phillips a Staff Ysgol Pen Barras